

Sistemi za upravljanje dokumentima

Sistemi za upravljanje dokumentima (engl. Document Management Systems) predstavljaju automatizovanu kontrolu elektronskih dokumenata, poput skeniranih slika papirnih dokumenata, elektronski zapisanih dokumenata i kompleksnih dokumenata koji predstavljaju kombinaciju prethodno spomenutih elektronskih dokumenata. Danas su sistemi za upravljanje dokumentima veoma rasprostranjeni. Sistem za upravljanje dokumentima omogućava lak pronalazak i brz pristup informacijama.

Po dobitku teme odlučila sam izraditi web sajt na platformi WordPressa.

WordPress je besplatna platforma za upravljanje sadržajem koji se prikazuje na sajtovima. Otvorenog je koda, što znači da svako može da vidi kako je napravljen i (ukoliko zna PHP programski jezik) da ga uređuje po sopstvenom nahođenju. Sajt sam razvijala lokalno te sam zbog toga koristila XAMPP lokalni server. Prvi korak u izradi sajta jeste instalacija same platforme te pomenutog lokalnog servera.

Tema koju sam odabrala za svoj web sajt je Astra.

Web sajt se sastoji od 16 stranica.

Header

U ovom dijelu se nalazi glavni naslov , logo , te meni web sajta. Prije svega sam izradila logo koji se nalazi u gornjem lijevom uglu web sajta. Logo stranice sam izradila pomoću Logo Maker. Prije pravljenja menija, napravila sam sve stranice koje će moj web sajt sadržavati. U opciji **Meniji** kreirala sam svoj meni dodavanjem već napravljenih stranica. Meni sadrži 8 stavki od kojih dvije stavke imaju 4 podstavke. Nakon toga sam uredila glavni naslov pomoću datih opcija za uređivanje.

Footer

Ovaj kratki blok se nalazi na dnu web sajta. U njemu se nalaze kontakt informacije admina stranice kao što su: adresa stanovanja, broj telefona i e-mail adresa. Dodavanjem bloka uređivača teksta unijela sam date podatke.

Početna stranica

Početnu stranicu sam zamislila kao kratki skup sadržaja cijelog web sajta. Sav sadržaj sam vezala poveznicama za detaljniji prikaz istog. Početna stranica se

sastoji od nekoliko sekcija. Prva sekcija je naslov stranice, a i samog sajta Sistemi za upravljanje dokumentima. Na ovom naslovu kao i na svim ostalim naslovima stranice je urađena animacija, tj. efekat pokreta. Kako ovaj naslov tako i svi ostali naslovi su stilizovani. Način na koji sam stilizovala naslove jeste da kliknete na područje u kojem se nalazi naslov, odaberete opciju stil, te onda uređujete naslov od njegove veličine, vrste pisma, sjene i ostalih opcija koje se nude pod opcijom stil. U ovoj sekciji, kao i u ostalim sekcijama gdje se nalaze naslovi se također nalazi i pozadinska slika, koju sam izabrala iz svoje galerije. Svoju galeriju sam stvarala pomoću raznih slika koje sam preuzimala sa interneta. U narednoj sekciji se nalazi tekst koji objašnjava šta je zapravo Sistem za upravljanje dokumentima. U ostalim sekcijama se nalaze kao što sam već pomenula kratki sadržaji o stranicama koje su na ovom web sajtu. Pa tako se u jednom bloku nalazi kratki sadržaji o stranicama *O DMS* i *Funkcionalnosti* popraćenim slikom i naravno dugmetom, koji kad kliknete na njega, vodi na tu stranicu. Sva dugmad sadržavaju poveznice na stranice kojima želimo pristupiti. Sljedeći blokovi su urađeni na istom principu kao i ovaj blok. U jednoj sekciji se nalazi video, izvor Youtube, koji objašnjava DMS. Način postavljanja tog videa jeste dodavanje opcije videa u tu sekciju te u rubriku url navesti url stranice na kojoj se taj video nalazi. Zbog nemogućnosti prikazivanja videa na mobilnom prikazu stranice, za mobilni prikaz stranice sam umjesto videa postavila sliku. U sljedećoj sekciji se nalazi kontakt admina stranice koji pruža mogućnost da se korisnici obrate njemu sa komentarom, savjetom ili nekom sugestijom na web sajt. Pored tih informacija nalazi se i karta na kojoj možete vidjeti gdje se admin stranice nalazi. Posljednja sekcija na ovoj stranici jeste opcija *Ocjenite stranicu* gdje imate mogućnost da ocjenite web sajt po svom mišljenju.

O DMS

Na ovoj stranici možete naučiti šta je zapravo Sistem za upravljanje dokumentima i zašto ga implementirati. Također i ova stranica se sastoji od nekoliko sekcija. Prva sekcija je ista kao i kod Početne stranice. Sljedeće dvije sekcije se sastoje od dvije kolone. U jednoj koloni se nalazi tekst, dok se u drugoj koloni nalaze slike vezane za tu stranicu. I tekst i slike sam dodavala pomoću opcija koje sam već ranije pomenula te ih na isti način stilizovala kao i sve ranije.

Prednosti

Ono što na ovoj stranici možete naučiti jeste koje su to prednosti sistema za upravljanje dokumentima. I ova stranica se sastoji od nekoliko sekcija koje sadržavaju iste opcije kao i prethodne stranice. Ali na ovoj stranici se nalazi i jedna nova opcija, a to je vrtuljak slika. Vrtuljak slika je skup više slika koje se vrte u krug. Da li neprestano ili samo našim listanjem, to odaberemo u opcijama. Vrtuljak

slika sam napravila korištenjem opcije *Vrtuljak slika* te sam ga uredila pomoću ostalih opcija koje dolaze uz njega.

Funkcionalnosti

Znanje koje možete steći na ovoj stranici jeste znanje o funkcionalnostima sistema za upravljanje dokumentima. Stranica je uređivana pomoću istih opcija koje sam ranije pomenula samo organizovanih na drugačiji način za razliku od prethodnih stranica. Svaka funkcionalnost je opisana tekстом te popraćena slikom.

Karakteristike

Na meniju, ova stranica je glavna stavka i ima četiri podstavke. Stranica je sastavljena od popisa karakteristika sistema za upravljanje dokumentima. Te podstavke su zapravo stranice svake karakteristike. Na ovoj stranici svaka karakteristika je predstavljena okvirom ikone, te klikom na taj okvir nam se otvara stranica o toj karakteristici. Prva podstavka, tj. prva karakteristika je ***Koncept dokumenta***. Na ovoj stranici nemamo novih opcija. Sve su iste opcije kao i prethodne samo drugačije organizovane. Možete naučiti dosta stvari o konceptu dokumenta, agregacijama dokumenta, skupu dokumenata, vezama između dokumenata... Sljedeća podstavka je stranica ***Verzije dokumenta i metapodaci***. Na ovoj stranici također nema novih opcija. Treća podstavka je stranica koja opisuje ***Životni ciklus dokumenta***. A u zadnjoj podstavci je stranica ***Administracija i repozitorijum*** uređivana pomoću teksta i slika, na kojima su također rađene animacije, tj. efekti pokreta kao i na svim ostalim.

Razvoj DMS

Na ovoj stranici korisnici mogu da saznaju osnovne stavke u razvoju sistema za upravljanje dokumentima. Pri uređivanju stranice korištene su već ranije pomenute opcije.

Tehnologije upravljanja dokumentima

Stranica ***Tehnologije upravljanja dokumentima*** je kao i stranica ***Karakteristike*** glavna stavka, dok su podstavke primjeri sistema za upravljanje dokumentima, a to su stranice: ***Templafy, M-Files, Master Control i XaitPorter***.

Jedna od novih opcija na stranici ***Tehnologije upravljanja dokumentima*** jeste opcija *Kartice*. Tekst koji se odnosi na datu stranicu sam rasporedila u kartice. Također još jedna nova opcija jeste *Galerija slika*. Zbog većeg broja slika iskoristila sam opciju *Galerija slika*. Opcija *Galerija slika* vam daje mogućnost da slike prikazete preko cijelog zaslona, također ih možete uvećavati. Kada je riječ o primjerima sistema za upravljanje dokumentima stranicu ***Templafy*** sam uredila te

je spremila kao predložak. Taj predložak sam koristila kod uređivanja ostalih stranica primjera DMS, jer sam željela da budu organizovane na isti način. Tako da su te stranice organizovane u dvije sekcije. U prvoj sekciji se nalazi tekst , vrtuljak slika i dugme koji vodi na glavnu stranicu navedenog primjera, dok se u drugoj sekciji nalazi video o temi date stranice.

Kontakt

Ova stranica je osmišljena da bi se omogućila konverzacija korisnika i admina stranice. Na toj stranici se nalaze dvije sekcije. U prvoj sekciji se nalazi blok u kojem korisnik ostavlja svoje informacije te daje svoj komentar, savjet , sugestiju. Druga sekcija su kontakt informacije admina stranice, te društvene ikone koje povezuju korisnike na datu društvenu mrežu admina.

Za svaku stranicu sam prilagodila njezin URL slug.

Radeći na ovoj stranici naučila sam mnogo toga o samoj platformi, njenim opcijama i alatima. Iskreno se nadam da će ovaj web sajt pomoći drugim ljudima koji žele znati više o pomenutoj temi.